

gebantur , quum completum foret aereum illud Millenarium , in terra nova , sive renovata somnium . Vidimus explosum vel antiquitus imaginarium hoc Regnum , quod nunc Theologorum nemo , qui sapiat , non aversetur . Ergo ruant & illius consecraria oportet . Condonandus hic error , dum aliquamdiu fuerit in S. Hilario , qui a deliramentis Cerinthi , aut ab ineptiis Papiae , alienum saltem se prodit , eamque opinionem non uno titulo emollivit . Verum qui illius hac in re auctoritate uti velit , inani prorsus suffragio utatur , sive , ut melius dicam , abutatur . Numquid gemmae sunt , quaecumque in Libris priorum Patrum occurrunt ? Ea solum aut amplectenda , aut non improbanda , quae aut consentientem , aut non repugnantem habuerunt , & habent coetum aliorum Patrum , & praesertim Ecclesiae . Quos autem magistros in hac opinione Hilarius habuerit , fatis patet : Irenaeum videlicet ac Tertullianum . Jam cap. ix. vidimus ab Irenaeo legem impositam Animabus , simul atque e corporeis vinculis abeat , descendenti ad Inferos , eo quod illuc & ipse Christus Dominus descenderit . Sed & Tertullianus idem sibi finxit in Lib. de Anima cap. lv. inquit : *Quod si Christus Deus , quia & homo , mortuus secundum Scripturas , & sepultus secus eadem , huic quoque legi satisfecit , forma humanae mortis apud Inferos sanctus &c.* Idem a S. Hilario repetitum habemus , quanquam is minime decernat , quoto tempore in Inferis Animae sint detinendae . Porro quam fluxa , quam nulla sit vis hujusce argumentationis , & hujusmodi legis imaginatio , fatis supra monuimus . Secundo , animadvertendum est , adversus Burneti systema non una ratione Hilarium ipsum decertare . Scilicet ille , sive quia ad Millenarios nunquam accesserit , sive quia ab ipsis recesserit , se plerisque aliis in locis prodit Catholicorum sapientiorum sententiae additissimum . Non praemia tantum Justis , sed & Injustis poenam differt Burnetus usque ad Resurrectionem , & supremum Judicium . Contra Hilarii sententia fuit , nullam intercedere moram inter Improborum mortem , eorumque poenam . En ejus verba Tra&. in Psalm. 11. sub finem . *Excipit nos Statim Infernus : & decedentes de Corpore , si ita vixerimus , de via recta perimus . Testes nobis Evangelicus Dives & Pauper ; quorum unum Angeli IN SEDIBUS BEATORUM , & IN ABRAHAE SINU locaverunt ; alium STATIM POENAE REGIO suscepit . Adeo autem STATIM POENA Mortuum excepit , ut etiam fratres ejus adhuc in supernis manerent . Nihil illic dilationis aut morae est .* Idem ab eo repetitum videas Tra&. in Psalm. cxxii. num. 11. prope finem . Praeterea Tra&. in Psalm. lvii. num. 5. scribit : *Neque enim suspensio adhuc Judicii tempore quiescere Peccatores sine Poena erat dignum , Viventes itaque eos cum Poenae scilicet sensu absorber Ignis , ANTEQUAM RESURGANT .* Ergo testem sibi adversantem Burnetus inducit . Statuta autem Poena Iniquorum , consequitur ex vi Theorematis Primi , a nobis positi cap. vi. praemia quoque Proborum Animabus non esse differenda . Legem hanc divinae